

南雄府志卷十八

藝文志上

宸翰

封曲江縣開國男食邑二百戶勅

門下朝請大夫中書舍人內供奉上柱國張九齡文

含風度道暎簪裾宜膺五等之榮俾光兩闈之寵可

封曲江縣開國男食邑三百戶主者施行

起復拜相制

門下風雲之感必生賢佐廊廟之任爰在柱臣正議

大夫前檢校中書侍郎集賢院學士仍副知院事上

柱國曲江縣開國男賜紫金魚袋張九齡挺生人之

秀器識通明風望素高人倫是仰可以叶彼寅亮當

茲啟沃可起復中書侍郎同中書門下平章事兼修

南雄府志卷之十八 藝文上

國史餘如故主者施行

封始興縣開國子食邑四百戶制

門下五等之制七命所崇苟非大賢孰延懋賞金紫

光祿大夫中書令集賢院學士修國史上柱國曲江

縣開國男張九齡識明圖遠資忠履孝自升樞近咸

竭至誠既成開濟之勲且多弘益之實屬禮展躬耕

功參翼贊宜膺誓河之典以紹景風之候可進封始

興縣開國子食邑戶主者施行

克右丞相制

門下燮理陰陽儀刑端揆自非人傑孰副僉諧金紫

光祿大夫中書令集賢院學士修國史上柱國始興

縣開國子張九齡器識弘遠文詞博達負經緯之量

有謀猷之能自翼贊台階彝倫攸叙直道之心爾固



蹇諤之操愈堅可以儀範百僚緝熙庶績宜處板垣
之任得列官師之長可進尚書右丞相散官勲封如
故王者施行

封始興縣開國伯食邑五百戶制

門下稽古丕訓封建諸侯所以褒崇有德為國之屏
金紫光祿大夫荊州大都督府長史上柱國始興縣
開國子張九齡弘才達識資忠履信或當樞近蚤有
令聞或武崇班每成政績自中及外既文且武克懋
厥猷不懈于位屬禮備徽稱覃恩庶僚宜加井邑之
封永固山河之業率由典則詒爾子孫稅糧丁役一
皆免除可封始興縣開國伯食邑五百戶王者施行

贈張九齡司徒制

正大廈者柱石之力昌帝業者輔相之臣生則保其

南雄府志

卷之十八

藝文上

二

上

雄名沒乃稱其盛德飭終末允於人望加贈實存乎
國章故中書令張九齡維嶽降神濟川作相開元之
際寅亮成功讜言定其社稷先覺合於著龜永懷賢
彌可謂大臣竹帛猶存樵蘇必禁爰從八命之秩更
進三台之位可贈司徒

按贈司徒舊章史為至德初上皇在蜀思九齡之
先覺下詔云云仍遣使就韶州致祭新史云德宗
建中元年賢九齡風烈贈司徒考之本紀玄宗以
天寶十五年七月庚辰至蜀郡八月癸未朔赦天
下癸巳靈武使至知太子即位丁酉改上皇詔稱
誥已亥臨軒冊肅宗自庚辰至己亥僅二十日且
蒙塵之餘固無暇贈典神道碑但言發使至韶州
弔祭而已新史蓋據碑也其贈司徒當以建中為

正趙德麟雜錄云明皇在蜀每思襄曲江則溪下
遺使韶州祭之兼齎貨帛以優其家其詰刻白山
屋壁下

封諱大初制

朕嗣服大命覃恩近列兩都庶尹褒序維均矧歲鄉
階而總流務者哉爾應天府府尹諱大初操履端醇
材猷敏達早蜚英于廊署旋擢穎于諫垣迨更蕃臬
之司遂屏邱園之跡提衡版輶既克暢乎官評賚素
茂華亦允孚乎物望是用延登上秩尹正陪京東土
保整之命具瞻允若之休時乃惟叙厥聲勛焉茲特
進爾階通議大夫錫之詰命夫遷建舊德符以倚毗
新止也爾功譽已著春倚方新尚弘屢試之猷以酬
三錫之寵嗣有崇寄需爾之成

南雄府志下卷之十八藝文上

三

上

封少司徒制

少司徒佐其長以安撫邦國而專判度支者納金穀
之數以籌國家經常之費總務既繁簡寄攸重咨爾
總督倉場戶部左侍郎諱大初性宇端嚴才資精練
始宣勞于部著即奏經于諫垣薦更蕃臬之司納言
留省旋正庶尹之位作貳冬官而俾之董理京庾督
襄邦計則能覈豐匱之故審均節之宜才猷益暢于
綿更譽實允孚于眾望屬茲大慶宜錫殊褒是用進
爾階通議大夫爰有申誥夫今歲入甚廣而歲費所
餘無幾朕欲使軍儲有節而餘蓄可致公廩贍足而
徵賦可輕其道無繇也爾益殫猷畢慮求所以登于
是道者以副朕日夕之念使國興民咸以不病則予
汝嘉汝往欽哉

遺廣東布政使司左叅議漆彬祭文
諭祭于致仕南京戶部尚書譚大初曰惟卿以通敏
之才端介之守蚤從省闈茂著賢聲既踐臬藩益采
令譽家居宰起位秩寔崇厯銀臺京尹之華陟東省
民曹之貳望宵隆重績用弘多乃晉留卿俾司邦計
顧嘉邈之未久而淪謝之倏聞爰念往勞式頒恤典
爾靈不昧尚克歆承

詩

三楓亭飲水賦詩

范雲

三楓何習習五渡何悠悠但飲修仁水不挹斜階流

唐開元中京兆韋迥修之自訖記立石

湏水

南朝祖孫登

龍川紫闕映珠浦碧沙沈岸潤蓮香遠流清雲影深

風潭如擁鏡山溜似調琴請君看皎潔知有淡然心

送同杜員外審言過嶺

唐沈佺期

天長地濶隴頭分去國離家見白雲洛浦風光何所

似崇山瘴癘不堪聞南浮漲海人何處北望衡陽雁

幾群兩地春風江一作萬餘里何時重謁聖明君

遊始興道館

紫臺高不極青嶼千仞餘壇邊逢藥鉞洞裏閱仙書

南雄府志下卷之十八藝文上五十一

庭舞叅經鶴池游被擢魚稍昏蕪葉歛欲暝槿花疏

徒教斧柯爛含日不凌虛

早發大庾嶺

宋之問

晨躋大庾險驛鞍馳復息霧露晝未開浩塗不可測

嶸起華夷界信為造化力歇鞍問徒旅鄉關在西北

出門怨別家登嶺恨辭國自惟最忠孝斯罪惜所得

皇明頗照洗廷議日紛惑兄弟遠淪居妻子成異域

羽翮傷已毀童幼怜未識踟躕戀北顧亭午晞顏色

春暖陰梅花瘴回陽鳥翼含沙綠澗聚吻草依林植

適戀悲疾首懷鞏淚沾臆感謝鴛鴦朝勤修魑魅職

生還儻未遠誓擬酬恩德

度大庾嶺

度嶺方辭國停軜一望家魂隨南翥鳥淚盡北枝花

山雨初含霽江雲欲變霞但令歸有日不敢恨長沙
早發始興江口至虛氏村作

候曉踰關嶂乘春望越臺宿雲鵬際落殘月蚌中開
薜荔搖青氣桄榔翳碧苔桂香多露裊石響細泉回
抱葉玄猿嘯銜花翡翠來南中雖可悅北思日悠哉
鬢髮俄成素丹心已作灰何當首歸路行剪故園萊

酬周判官兼呈耿廣州

張九齡

憶昔遷樂土追今已重世餘慶荷先德素屈慙後裔
唯益桑梓恭豈稟山川薦于時初自勉揆已無兼濟
瘠土資勞力良書啟蒙蔽一擢石室文再擢金門第
既起南宮草復掌西掖制過舉及小人便蕃在中歲
亞司河海秩轉牧江湖遠勿謂符竹輕但覺涓塵細
一麾尚云泰十駕宜求稅心息已如灰跡牽且為誓

南雄府志下卷之十八藝文上

六

上

忽捧天書委將半海臨樊朝聞循誠節夕飲蒙瘴瘴
義疾耻無勇盜增攻亦銳葵藿是傾心豺狼何返噬
履險甘所受勞賢惡相曳攬轡但荒服循垓便私第
嘉慶始獲申恩華復尤繼無庸我先舉同事君猶滯
當推奉使績且結拜親契更延懷安旨曾是慮危濬
善謀雖若茲主理焉可替所伏有神道况承明主惠

酬王履震遊園林

宅生惟海縣素業守郊園中覽霸王說上激明主恩
一行罷蘭逕數載厯金門既負蓬生拙俄從周任言
逶迤戀軒陛蕭散及邱樊舊徑稀人跡前池耗水痕
併看芳樹老唯覺蔽廬存自我棲玄谷逢君翳薜盆
孟軻應有命賈誼得無冤江上傷行遠林門偶避喧
地偏人事絕時霽鳥聲繁獨善心俱閉窮居道共尊

樂因南閭藻憂豈北堂萱幽意如投漆新詩重贈軒
平生徇知己窮達與君論

秋晚登樓望南江入始興郡路

潦收涉衍出霜降天宇晶伏檻一長眺津塗多遠情
思來江山外望盡烟雲生滔滔不自辨役役且何成
我來蠟衰髮孰云飄華纓樞馬苦踣躅籠禽念遐征
歲陰向晚晚日夕空屏營物生貴德性身累由近名
內顧覺今是追歎何時平

荊州卧病懷始興南下舊居

出處各有在何者為陸沉幸無逼賤事聊可祛迷襟
世路少夷坦蓋門未嶮歛多慙入人術常惕履冰心
十跌不自保萬全焉可尋行行念歸路眇眇惜光陰
浮生如過隙先達已吾箴敢忘邱山施亦云年病侵

南雄府志下卷之十八 藝文上

七

上

力衰在所養時謝良不任但憶舊棲息願言遂窺臨
雲間目祇秀山下面情深蘿葛自為慳風泉何必槩
歸此老吾老過當日千金

與弟遊家園

定省榮君賜來歸是晝遊林鳥飛舊里園菓釀新秋
枝長南庭樹池靈北澗流星霜屢雨別蘭麝為誰幽
善積家方慶恩深國未酌棲棲將義動女得久情留
南山下舊居閑放

祇役已云久乘閑返兼初塊然屏塵事幽獨坐林閣
清曠前山遠紛喧此地疎喬木凌青霽脩篁媚綠渠
耳和綉翼鳥目暢錦鱗魚寂寞心遙閉飄搖體自虛
興來命旨酒臨罷闕仙書但樂多幽意寧知有毀譽
尚想爭名者誰云要路居都忘下流歎傾奪竟何如

自始興谿夜上赴嶺

常畜名山意茲為世網牽征途屢及此初服已非然
日落青巖際谿行綠篠邊去舟乘月後歸鳥息人前
數曲迷幽嶂連圻觸悶泉深林風緒結送夜客情懸
非梗胡為泛無膏亦自鮮不知于役者相樂在何年
二弟宰南海見群鴈南飛因成詠以寄

張九齡

鴻鴈自北來嗷嗷度煙景嘗懷稻梁惠豈憚江山永
小人每相從羽毛當自整雙鳧侶晨泛獨鶴秦宵響
為我更南飛因風至梅嶺

叱馭樓

宋余靖

山巔層構與雲平賢者新題叱馭名為要澄清歸
道不辭艱險表忠誠南枝初見梅林秀九折遙思劍

南雄府志下卷之十八 藝文上 八 上

棧橫若使當時嫌遠宦海隅何得有徵聲

來鴈亭

南方舊說無鴻鴈歲序嚴凝亦暫來天外每隨寒雨
過春前先逐煖風回人稀弋射增休避俗厭魚簪網
莫猜况是弟兄風境接登臨因此幾徘徊

通越亭

行盡章江庾水濱南踰梅館涉璚瑀域中紹祚千年
聖海外占風九譯人嶠嶺古來稱絕徼梯山從此識
通津輿珍輦貴無虛歲徒說周朝白雉馴

梅關

蘇軾

斲著南冠不到頭却隨北鴈與歸休平生不作兔三
窟今古何殊貉一邱當日無人送臨賀至今有廟祀
潮州劍門西望七千里乘興真為玉局遊

玲瓏巖

何年僵立兩蒼龍
瘦骨盤盤尚倚空
翠浪舞翻紅罷
亞白雲穿破碧玲瓏
三休亭上工延月
九折巖前巧
貯風脚力盡時山
更好莫將有限趁
無窮

卓錫泉

張士遜

靈蹤遺幾載
卓錫在高岑
妙法歸何地
清泉流至今
苔花生細細
雲葉映沈沈
桂魄皎清夜
分明六祖心
放鉢石

章得象知州

石上曾經轉鉢盂
石邊南北路崎嶇
行人不見空嗟
嘆遠識西來意也無

五月四日出梅嶺至南安軍

文天祥

短日行梅嶺
天開鬱嵯峨
江西萬里舡
歸期無奈何

度梅嶺

元伯顏

南雄府志下卷之十八 藝文上

九

上

馬首經從庾嶺歸
王師到處即平夷
擔頭不帶關南
物只插梅花一兩枝

度大庾嶺

聶古柏

玉斧飛霜大庾南
萬松深翠洗烟嵐
雲迷野山羅
戟月滿韶江水
潑藍椰子漿
寒甘似蜜荔枝香
煖絕
勝柑中朝者舊
如相問鳥語啁啾
正未堪

雲峰庵

楊澤知事

行行出城郭
望望隔煙霞
綠樹七八里
白雲三四家
天柱晴雲

鄭康斗

閑雲一片護山巔
來往無心碧漢邊
何事不從龍作
雨蒼生望得眼空穿

過梅關

春深長憶出秦關
寒擁貂裘馬上還
今日入關春更

淺野花紅白草爛斑

宿黃塘驛

天際孤峯生碧烟江頭好月向人圓
館夫爭道黃塘近槁鼓燒燈又換舡

遊玲瓏巖

王守仁

青山隨地佳豈必故園好但得此身閒
塵寰亦蓬島西林日初暮明月來何早
醉卧石床涼洞雲秋未掃

前題

天風吹我上丹梯始信青霄亦可躋
俯視塵寰我獨慨却憐人世尚多迷
東南真境埋名久閩楚諸峯入

望低莫道仙家高卧穩三更日出已聞雞

大庾嶺路松

陳獻章

天地風雲會有辰開元可是欠經綸
千尋松下看流

南雄府志下卷之十八藝文上

十

十一

水十八年中度嶺人

讀羅一峯碑

邱墳何處草離離千里湖西夢覺時
落日小池橋上路催人下馬讀殘碑

大庾嶺新路

戴有孚 韶州

山黃日白雲飛盡丞相祠前獨鳥還
謾說五丁開蜀道竭來百粵啟梅關
功高造化真堪闢氣正封章不

絕彈南去北來幾簪紱思公應合有慙顏

文獻祠

張以寧 學士

兒時曾誦八哀詩遺誥相傳自昔時
空料白頭祠下拜曲江煙雨讀唐碑

前題

江 璞 知府

翠華西出鶴南飛在國猶安去國危
討逆若從先事

見磨崖何有頌公碑君臣遇合原非易世代興亡可
盡知惟有舊時金鑑在至今留作哲人規

題陳公祐至和堂

五馬迢迢訪義門一堂和氣藹春溫立家創業前朝
祖共食同居幾代孫風俗坐看回太古褒旌行見沐
殊恩笑他割戶分門者敢與同居共日論

度大庾嶺

可維柏

梅關山色舊蒲口未寒避古木堪垂釣江門好濯纓
片雲浮世界孤月澹滄溟八極神遊遠悠悠得此生

七松堂

鄧本元

有美七松堂松陰古道傍輕風翻翠浪餘韻瀉銀蕩
節駐皇華使香浮白玉觴堂堂迎送地誰是却金郎

玲瓏巖

胡璉 泰政

南雄府志下卷之十八 藝文上

十一

墨江廓南野迤邐數里間秀美亮有鍾金堂闢仙關
清虛得小有杖履恣盤桓窈窕通華陽雲物隨追攀
藥爐丹火灰石牀紫霞斑慨慕王子喬金骨生羽翰

前題

王大用 副使

涼口歸來偶發興玲瓏巖畔仍留題久知春事只花
鳥近喜山城無鼓鞞仙翁已乘玉龍去野衲猶結茅
齋棲烟霞深處人跡絕我欲從之路轉迷

放鉢石

尚憶當年一點燈碓頭消息夜三更本來既道原無
物競鉢爭衣作麼生

玲瓏巖

周思久 知府

江上逗風濤舍舟理輕策信宿登此巖疑與人境隔
洞中羅萬象竇徑光相射石髓不可啗丹竈烟遠赫

惜哉深山中淪湮此奇跡若非汗漫遊何能窮探索
父老提壺漿童冠侍几席去郡且三載人情無今昔
我欲從赤松脫簪謝朝客嘯傲隨所之籠禽何役役

收春樓

半畝方塘一鏡開烟波深處起樓臺突兀去天剛尺
五洪崖青嶂相縈迴桃李春風二三月鳥語花香長
不歇雲起翻疑蓬萊宮月明不減銀蟾窟主人得暇
即登臨童冠相隨歌且吟凭欄遠望岸輕憤對友焚
香彈素琴有酒時斟三五斗氣和耳熱自擊缶此自
白日到羲皇紛紛萬代我何有別來倏忽度三秋池
荷窈窕草空悠悠獨上樓頭發長笑無邊春色一腔收

文獻祠

黃衷侍郎

科名伊吕恰相當何許燕公托後行海上衣冠今爾

南雄府志下卷之十八藝文上

十三

上

爾山中風度復堂堂塵埃不見漁陽恨絮酒徒聞蜀
道長可信柳州遠墨客未窺經濟論文章

瞻衮八章

王文欽邑人

依依瞻衮陟彼荒陬慕公生平文行俱優守廬祥應
紫芝白鳩入相玄宗吸引名流慨公忠孝獨步誰傳
翹翹瞻衮夙慕名公道侷伊吕科第聲隆輕縑素練
詞翰之宗嘉猷入告大節孤忠江南首相發軔誰同
亭亭瞻衮于彼雲端衮綉輝煌威儀偉觀饒彼良工
莫狀心丹惟嶺之松挺挺歲寒公之節操可以等看
遙遙瞻衮于彼高崗衮衣何在惟德之香鑿山通粵
松陰道傍公之德教華夷肅將矧公鄉人誰不齋莊
赫赫瞻衮于彼山巔衮衣章甫稱我鄉賢風度峭直
望之凜然述古興衰金鑑一編漁陽之亂明炳燁先

明明瞻袞逝相斯人斯人已矣風聲日新在唐風采
屢見批鱗誰令相業弗究四春公出甫入治亂攸分
遲遲瞻袞百世垂休開元相業黼黻皇猷獻忠忤旨
肆謫荆州鴻飛邈矣芳聲悠悠宸思遺直賚祭家邱
肅肅瞻袞載拜祠前公如有見令聞千年光前振後
世德綿延卿士大夫薰公之賢迺駕迫兵緬想茫然
謁文獻祠

吳廷舉布政

嶺海于公百世師雲封我得拜新祠玉環恩愛生無
策金鑑謀猷始見奇斧鑿賢勞山徑穩往來尸祝禮
文宜老松挺挺風霜道想像明堂正色時

雲封寺

肩輿緩緩度雲封已見星河燦碧空午夜御頭驚亂
板歲寒心事寄喬松靜依僧榻眠真穩高視人寰夢

南雄府志下卷之十八 藝文上

十三

上

亦雄行廢本來吾有命伯寮徒爾惱天公

重修文獻祠

庾闕紅翠聞鮮新采采梅花迎送神八百年來祠下
過愛公誰是繼公人

庾嶺新營宰相祠兩年三度拜公時明堂正台千年
棟手植高松未厭遲

大庾嶺路松

庾嶺十章引路松世傳栽自曲江公狂飈野火仍斤

斧八百年來剩幾叢

梅嶺修修百里途征夫夏月汗如珠獨慚無澤留南

國種得青松一萬株

十年兩度手栽松大者遮頭小並胸官府肯嚴樵牧

禁明烟載啟大夫封

梅對無梅已百年
暗香疎影閣吟箋
東湖頗有西湖興
分得南枝挿路邊

謁文獻祠喜交南歸服

侯 緘 使 崇

開元相業崩南祠
從此胡塵向內吹
正氣迥隨花萼謝
英風長擊草茅思
中書腹劍容仙客
戚里金刀護祿兒
一曲霓裳兵四海
九原可作豈勝悲

楊歷巖

程鳴鳳

銀河底穿不可塞
一瀉砢砢下空碧
峯高雲邃源荒茫
但見巖飛練千尺
我來尋之赴蒼壑
流出凌江散天澤
餘波直走黃木灣
颺卷驚翻浪花白
竟從海內兩乾坤
豈但梅邊沃甘液

遊楊歷巖二十韻謝鄭南雄

黃 佐 學士

旅客逢秋半重巖
望日邊風江連楚
粵雲樹極幽燕

南雄府志下卷之十八 藝文上

十四

上

茄鼓循垌發旌旗
陟嶽聯境推楊歷
勝人喜鄭莊賢鷺
翮開金地龍潭際
碧天崖含蘿幌狹
磴轉竹房偏裊綴
云何卉高垂不記
年奇香聞素瀑秀
色映平田萬象皆
超忽千峯自蜿蜒
嶺梅送度馬堤柳
競鳴蟬虛籟笙簧
合中軒錦繡懸清
歌螺梵外妙舞鳥
巢前轍逐未旛駐
杯從綵袖傳傍泉
移綺幕拂石列瓊
筵暝暝旋靈耀陶
陶象帝先冥心忘
泡影握手問真源
北去浮鳴鴈南流
跼斷鳶澗花寒未
落雲碓晚相喧步
壑旋雲迥歸途壁
月圓何由窮絕頂
直欲挾飛仙

楊歷巖醉後咏月

明牧招携上翠微
金尊傾罷玉蟾飛
桂枝似向淮巖出
紈扇疑從漢苑歸
澤國魚龍踈作雨
江干鷗鷺久忘機
廣寒共是曾遊客
莫唱開元舊羽衣

過嶺瞻望張丞相祠

蹇蹇宗臣起海涯，荆州南去為誰家。鼓鼙塵裏青驪遠，鷹隼風前紫燕斜。揭日聲華垂宇宙，格天英采在雲霞。十年舊路生芳草，長憶寒梅繞樹花。

楊歷巖

鄭朝輔如府

落日名巖上，冲風衰草邊。舊遊仍歷水，新句動幽燕。暝色山雲合，烟光照晚聯。憂民空自拙，報國有諸賢。經緯臨南服，玄枵望北天。仰觀霄漢逼，回首郡圖偏。登眺尋磐石，藏修乞暮年。凋零憐井邑，盈耗度私田。鼎角爭標柱，溪流自蜿蜒。循牆晨見蟻，抱葉夜無蟬。社鼓連鄉急，疎鐘側棟懸。題封瀑布下，覓洞碧桃前。旌蓋輿人擁，盤飧驛使傳。僧房堪促膝，村釀亦佳筵。靈氣龍珠伏，歡聲馬足先。三峯非沃野，楊柳本深源。

南雄府志卷之十八

藝文上

五

上

霧宿同文豹，風搏起鈍鳶。傳燈明達旦，止鳥曙交喧。夢覺金光滿，陽升玉餅圓。終期窺合璧，顛倒悟真仙。

濯纓臺

裴相同如

路逢梅嶺嘗迎客，官倅南雄遇推商。明著衣冠原素定，濯纓何必藉滄浪。

文獻祠

湛若水尚書

文獻鑿庾嶺，功與九河同。河鑿免魚鱉，嶺鑿免兵鋒。無險不負固，割據無奸雄。廣民永安堵，安嶺保善終。豈惟保善終，風氣亦漸通。文運日以昌，中土爭污隆。有功弘王化，無田俎豆空。家徒千頃者，過此無赧容。

吊邱忠臣

譚大初郡人

未家永造國，不競景炎祥。符皆寄生腥，羶躡轢閩廣。間五嶺以南，無堅城當日守。臣多憂死，往往全軀保。

妻子楚囚趙虜走且僵誰似平原顏御史狼烟驀驀
薄韶陽北門鎖鑰已狼當封疆之臣誠捍禦江淮誰
復真源張義士見危當授命存亡誓與孤城並黃塵
蔽日雲漫漫公服拜天唯自靖委身誰不為良臣匪
躬之故非狗名問甚鴻毛與泰山綱常為重身為輕
誰道韶城為虜圯更有金城長萬里誰道公死非全
歸高節清風樹人紀儀容儼雅非公神地為河岳天
星辰烹飪鰥猗慨金鬻吊公忠兮懷好音

謁文獻祠二首

陸萬鍾 副使

瞻拜祠前感慨增君臣遇合古難憑一言不盡成天
寶千載令人念始興蜀道當時空洒淚唐家從此就
夷陵半龕燈火雲封舊寂寞忠魂重撫膺
開元天子騁鴻圖嶺海孤臣獨向隅逆耳未應疎國

南雄府志下卷之十八 藝文上 十六

老赤心空自愛胡雛翠華播越霓裳冷金鑑沉羅羽
扇孤泣是女戎終豸禍芭桑長慮似公無

仙女巖

香斷古壇烟磴外苔侵衣石曉霞邊笙竽韻遠風穿
竹環珮聲高玉漱泉

送人遊嶺南

邱濬 大學士

若行是我來時路贈別因思舊所遊綠柳春風葉
翠碧蕪寒雨叫鉤輅三冬氣暖人揮扇八月天清
結樓風度祠前拜唐相為言早晚便歸休

文獻祠

平生夢想曲江公五百年來間氣鎮行客不知經世
業往來惟羨道傍松

題梅嶺

馬路車催夜尚行從教林外鷓鴣鳴世人若有移山力嶺海多年地已平

大庾嶺路松

相國祠前下馬行望中直是黑松林林邊一曲長流水照見孤臣一片心

大庾嶺路

曾望宏

知府

雄人共怨曲江公何似當年路不通苦暑苦寒還苦餓長擔官貨血肩紅

玲瓏巖

楊國禎

如始縣

太宇啟鴻濛坤靈觸處通化工無斧鑿真境自玲瓏谷靜松聲古崖懸月色空振衣發長嘯飛步五雲中

洞鑿玲瓏入巖窺宛轉穿壺天標玉柱大地湧金蓮

王弘誨尚書

南雄府志卷之十八藝文上

七

曾擬蘭亭客杯分閨苑仙何當邀鶴駕即此謝塵緣

通天巖

勝地開三島通天有一門澗幽窮禹績村遠闕秦源宛轉穿蘿憇空濛煮石冷悠然絕塵想相對已忘言

玲瓏巖絕頂三首

名巖覽勝陟峇峩歷盡層巒絕市囂敢謂居高能小下似緣心遠得神超闕門路入梅花近祇苑經翻貝

葉遙滄海回頭今是岸故園松鶴待誰招飛閣懸崖俯萬尋靈巖對酒落峯陰仙人窟宅遠高

下幻蹟熹微自古今龍虎尚餘丹鼎氣鸞鳳時度紫霄音滄洲滿目堪乘興莫問蓬萊路淺深

巉巖幽壑敞招提躡躑躅穿林路不迷茗椀香花隨佛供白雲蒼靄護禪棲東林載酒淵明在西竺同心慧

遠携五十三秦年已近可能大意悟曹溪

謁文獻祠

蔣希禹

始興

清商入林薄百卉亦已萎訪古寄深衷驅車城南陸
高門臨大道云是故相祠大賢久云歿遺像乃在茲
入門氣肅肅俯坐噐已歆梁傾蟬螻蝕瓦裂鴛鴦推
魁嶺崇其巔庭空網蛛絲畫壁翳苔蘚堦草蔓以滋
丹青半脫剝風度如可披昔公相開元國步猶清夷
雙手運日轂事業何歲蕤惜哉賢邪溷何異鶴與鴝
李揚方虎視安史亦狐窺眾懷燕雀安公乃憂未危
觸事排奸邪披赤靡有遺苦口拒弗納出守甘一麾
正八一以遠神鼎忽潛移漁陽鞞鼓聞戎馬紛以馳
誰其胎禍萌錦綉一胡兒公心能不二公識能先知
帝聽苦不早蜀道空追維白日照下土皇天誓難欺

南雄府志下卷之十八 藝文上

六

十

耿耿忠讜謨千秋光鼎司至今扮榆里巔肩留豐碑
荒祠闕伏臘報德良匪私謨國者誰子徒污青簡為
我來拜宇下涼飈揚素旗徘徊瞻色相英風向人吹
大雅不可作千古空遺思似止有高山十章金鑑詞

玲瓏巖

來士賢通判

天下名山孕扶淑散落崑崙崙走磅礪大者名聞五嶽
尊其餘結搆憑起伏勺泉片石稍可娛絡繹山中競
華轂交廣南來古不庭崗巒聳峻紛稜崢只此玲瓏
已佳勝此中亦自希晨星時人信耳忽所見盡道荒
陬胡足羨我聞此語試一尋恍似丹邱分別向群峯
秀色高可飡一掬中通天隱見參橫曲折巧安排天
造神工營絕巘草樹周遭冬夏青鳥不知名枝自戀
溪谷冷冷非世情鬱鬱松風寒拂面徘徊盡日心神

舒不意茲遊能勝錢吁嗟此山孰主張却乃割爾授
炎荒人生曉沃各有寓爾山寂寞庸何傷秦封五松
泰山耻終南捷徑無留光古今吟弄翻藉口誰能與
爾同清芳清芳在人人所慕速謗騰嘲起要路惟爾
幽遊爾自如余與爾盟履貞素

玉柱巖

巧似神工削空從妙法穿高侵撐玉柱秀出掛青蓮
止可留派月遠宜駐列仙浮生問更適夙有洞天緣

通天巖

直上清虛府先窺秘密門泉香留葛井花落見桃源
白石長堪煮丹霞自可餐坐來神思徹玄悟欲何言

遊玲瓏巖和蔣郡守韻二首

史謨推官

五馬登臨日清尊喜共開丹房雲作几公寶玉為胎

南雄府志下卷之十八 藝文上 十九

谷靜時聞籟巖空晝隱雷蓮池涵半月若為勸啣杯
巉巖共出賞况復聚心知杖履扶秋色莓苔鎖斷碑
流雲移握麈坐石响彈棊一嘯千峯碧嵐光參復差

遊巖次蘇長公韻

何獻科教諭

嶺嶠脉脉走虬龍此日登臨眼界空丹竈有無真水
火靈巖高下幻玲瓏千家山郭春仍雨獨樹祇林晚
帶風回首宦情成浪跡憑虛倚劍思無窮

汎湏江至修仁水尋范雲飲水賦詩處

歐大任

陸陟心苦艱江行意超忽揚舫恣擊汰理榜欣乘筏
昔聞范內史於焉自怡悅賦詩散鬱陶飲水辨清澗
今遊屬暮春遠放遵南粵三楓睇已送五渡嗟應沒
爰思雉雉馴尚想甘棠茂命駕稅山椒弭蓋依林樾

明霞帶遠巒瑞靄屯崇碣樊薄粲朱櫻原陵芭綠蕨
感茲時物遷懼爾芳馨歇代更道豈殊事往迹空揭
淒淒懷古吟心賞不可越鷗夷迥汎湖子年悵懷闕
米蘭向中洲眷此何由達沿洞發棹謳愉樂陶嘉月

晚霽過梅關

千峰收積雨迢遞出梅關日向猿中落人從鳥道遠
中原開障塞南海控甌蠻萬國來王會秋風戰馬閑

嶺上謁張文獻祠

南人誰爰立公始相關元忠豈酌金鑑思空下劍門
衣冠通德里桑梓曲江園父老修秦臘遠來奠桂尊

雪中過大庾嶺

橫浦關門路秦時塞上沙高樓吹玉笛片片是梅花
晚次始興江口 區大相

南雄府志

卷之十八 藝文上

二十

客程行漸北鄉思轉悠悠斗下看雄劍風前攬敝裘
渚花飄映月霜葉澆隨舟今夕南征雁先飛故國樓

嶺上見梅花

梅嶺候偏宜梅花嶺上窺報瑤人去遠踏雪馬行遲
驛使春前發鄉心笛裏知己從關路北猶覓向南枝

自大庾度嶺

肩輿歷翠微馬首十年違舊壘仍餘壁新松又幾圍
林香木犀發山晚翠禽飛莫問符繻在關雲擁傳歸

謁張文獻祠

一代孤忠在千秋大雅存詩才推正始相業憶開元
曝日陳金鑑蒙塵想劍門更吟羽扇賦搖奪不堪論

次始興驛舍

秋杪曾驅傳春深復此行携家殊往日獨客倦長征

鳥雀荒村暮風烟古路平寒衣猶未脫腸斷望鄉情
遊巖步蘇長公韻 蔣時諧知錄

墨江壠上卧蒼龍未卜何年倚太空日映水簾珠燦
爛泉通石蕊玉玲瓏巖深奇結千秋乳洞巧幽含九
曲風一片暮雲歸故壘夕陽景色更無窮

松山亭睡起咏松 陳嘉謨

松山有松樹寧讓嶺頭梅鬱鬱凌雲氣巖巖聳壺材
不風能避暑即雨亦銜杯我豈同丁固何為入夢來

歸度庾關 黃儒炳

漢塞雄千古庾關阻萬重已看青靄絕更倩白雲封
鳥道盤紆徑龍鱗剥古松北遊曾輓輅往復憶行踪

雄州發舡

經時疲馬足此日喜登舟溪漲洪濤駛雨晴宿瘴收

南雄府志下卷之十八 藝文上 三 上

綏歌聽歎乃短棹任夷猶凝睇諸山色停雲在廣州

經始興江口

竭來嶺嶠地中有水雲鄉亂石臨溪惡新蒲帶薄涼
樓舡通漢將鏡吹起陳王往事東流盡棲鴉噪夕陽

登始興黃塘道中排律十四韻呈陳明府

驅車江口道小憇望朝暾峭壁高雲氣清溪宿雨痕

諸峯非一狀萬壑若為源絡繹紅塵騎依微白屋村

嶺頭何日度天末此中論大澤龍蛇走深叢豹虎蹲

年華省冉冉途次厭喧喧未遣登臨興忽傷賦役煩

遼陽馳羽檄下邑賦饑殮幸藉循良撫猶堪皮骨存

聚廬安保伍倚杖牧雞豚山水清如許神明正可言

小人陳風土史氏紀轡軒百里經過處因聲龐士元

謁張丞相祠 梁有譽

開元治平日英賢恣游行惟君匡屯器憂國持先見
詎慙伊呂科寶冠東南彥朝直承明廬夕下金華殿
楚臣傷江楓漢女悲團扇而君復何為含情賦海燕
玉泉一以閉微微市朝變櫓槍亘中天長地血幾白
金根入蜀年空餘淚如霰我本慷慨士懷古歲方晏
野烟暮歷起祠樹何蔥蒨牽杜寄芳情擬蘋羞野薦
高芬誰復嗣舊葉送奔箭惟留千載名來哲同欽羨

初冬過梅嶺

郭棊

削嶺嵯峨壓碧空紛紛霜葉下丹楓越王經畧炎荒
處丞相祠堂霄漢中日落棲鳥喧古樹天高飛旆遡
回風凭輿幾度頻來往猶憶含香侍紫宮

嶺頭謁張文獻祠

丞相祠高庾嶺陽綠槐翠柏鬱蒼蒼當年風度雲霄

南雄府志下卷之十八 藝文上 五 十

迥異代丹青日月光古棟流霞虛掩映畫簾飛鶴晚
迴翔重來趨謁心殊愧勲業無成鬢已霜

過梅嶺有懷

國朝李棲鳳巡撫

千重雲樹萬重山叱馭南來不憚艱庾嶺風烟終有
異粵關書札寄難還舊遊親友俱星散新過村郊獨
淚潛惟有 朝廷恩義重凜遵簡命撫南蠻

度大庾嶺

施閏章主事

峭壁何須鑿炎州此路開門容一騎入人度萬山來
南北各回首干戈更築臺蓬蒿行處滿漫說嶺頭梅

梅關道中二首

萬峯迴合碧成圍峰伴烟嵐生客衣關路直隨秦戍
出江天遙望楚雲飛孤亭背額遲來雁古寺含風湧
翠微却憶漢家通使日山花如錦陸郎歸

石林飛磴鬱千盤直上青霄立馬看古木數叢蒼蒼靄
合春山一路白雲寒居人每歎長安遠過客時歌蜀
道難臨發郵亭回首望故鄉從此隔烟巒

雲封寺

曹

溶 侍郎

雲嶺千尋接人工一線通澗流侵榻畔石角覆樓中
僧飯露松嵐唐碑穴草虫客行方歎險世外得心空

遊楊歷巖二首

瘴水蠻雲未可留良朋約我出郊遊沙晴萬壑螺盤
細寺闢層巔虎穴秋梵唄窟中飛凍雨芙蓉天半接
靈湫日西漱石忘歸去更倚丹楓百尺樓
佛廊曲曲翠流通榕老根盤夏臘中洞黑石窓時滿
日簾開水溜正浮空締衣鈎遍荒亭草歸騎迎多古
礪風東望庾闕方咫尺小留蠟屐訪崆峒

南雄府志下卷之十八藝文上

三

十

度嶺北遠留別陸孝山郡守二首

秋水相逢白露溥山中行帳薜蘿寬鄉同易緩窮塗
淚仕拙常從古道看老大江河悲遊轍寂寥風雨送
征鞍天南尚有匡時彥歸卧長臯意不寒
伏波銅柱遠難尋丞相祠堂嶺樹陰日短間關愁策
馬天寒形影伴歸禽因時敢愛綏民畧欲去常多念
舊心寄問羊城詞賦客蜺山安似越江深

南雄踏荒

鄭龍光 如府

行行按步踏荒田滿目蓬蒿最可憐不惜軒車盤嶺
上那愁虎豹踞山前杏花開處秧針少莒葉生時錢簿
懸太守愧無牛種給招耕何計望豐年

踏荒至迴龍庵見鄉民五人共拖一犁以無力
買牛合伴耕作也子為啼噓淚下云

古有使君能化盜賣刀買犢始稱奇我今不逮前賢

甚民困無牛合把犁

粒粒盤中民所依幾回腸斷淚霑衣為官若不親履

畝空請幽風農事違

朱錫中

秋爽肅林樾松楸綴客裘去年曾載酒此日更狂遊

豈識金銀氣山有銀礦為貧山水幽登高能作賦太守舊

風流

鄉冰雪少木葉四時留茶塢霜花亂龍潭瘴雨收

日光浮竹露風影雜池秋座有興悲客凄然萬里愁

度嶺

風物真初見嶽奇一歎嗟白流瀾瀾鳥紅綻杜鵑花

南雄府志下卷之十八藝文上

三

一

遠靄疑新瘴村謳出募笳停車聊借問遮莫是天涯

大庾嶺

查培東莞知縣繼

庾嶺深秋上籃輿竟日移九齡碑尚識陸實石能知

榕辨蠻鄉樹松疑秦岱枝勞勞不可問此意語安期

過嶺感懷

奏凱將軍方度嶺似聞群醜又縱橫窮簷力盡難供

役開府心虛只請兵雨雪轉漕舟不絕關河推稅水

同情微臣倘得天顏見痛哭何妨效賈生

登雄州城樓

董其生雷州推官

亂石崩沙舞上游青山欲共客心愁地分嶺北連三

楚人到天南第一州瀟水支船新下瀨夜郎乘傳此

登樓偏驚啼鳥能留客苦竹峰前喚不休

梅嶺

楊信

形勝千盤險星雲百粵開氣分霜雪候地接牛女隈
谷響啼猿集天空飛鳥回踞鞍頻騁望遥慕曲江才

舟發雄州

江山行未盡一葦越江濱帆影洲前出漁歌浦外聞
臘殘常計日人遠惜離群不識南巴路低徊送夕曛

度庾嶺

趙進美 叅政

豈意中原月來看庾嶺雲萬盤石路轉千古地形分
峰色依松見泉聲繞澗聞駐車蘿薜下朝雨洗苔文

度庾嶺數里山勢鬱秀松蘿蒙蔚恠石嵌空苔

繡錯出有作

勞役獲幽賞炎荒樹此行桃花春塢靜松葉石橋清
路逐溪深得山如人意成晚霞生積翠斜日鳥邊鳴

庾嶺夜宿

南雄府志下卷之十八 藝文上

五

十

歸鳥飛何急遥山望更回登臨增白髮風雨宿紅梅
野竹穿坵出林花傍竹開明時身萬里推枕起徘徊

度嶺後作

張宸 中書

伯翳誌山海道元註水經窮搜及幽壤如觀禹鼎形
氓生限一隅俯仰僅戶庭緬懷名勝區悵望徒青冥

茲行將 命使遂得窮南溟始陟梅銷嶺登頓殊傳

竹每折磴益高時恐千風霆俯視百丈強地底雲泓

渟白雲隨我上已及搏霄翎劃然斷繡壁有似鑿五

丁其陘纜通車峭削比井陘斧痕蒼蘚碧鳥道藤蘿

青雙扉缺重關如以水建瓴礮鳴密箐中函為深松

熒稍陝見陌阡徒旅得暫停力猶勗勗餘心以田疇

寧因思秦漢前此地如武陵濛濛絕嶺烟不遭六國

刑象郡刀鋸及度瀧猿鳥零曲江後劉削強列障與

亭渾敦鑿已久，曷足藏精靈。

題庾嶺雲封寺是六祖道場

大鑿禪關占幾峰，樹有寶曹溪一拂古苔封。花壇暝

挾千巖，雨塔院晴飛萬嶺鐘。碧澗細泉分卓錫，寶幢

香焰出深松。開山直在南天外，石上猶傳鉢有龍。

登梅嶺

趙開雍南知

磴道通吳粵，殘碑尚勒年。高攀一線嶺，不瞰百蠻天。

偃壑龍鱗古，懸崖鳥道穿。山靈須擁護，萬里絕烽煙。

度庾嶺二首

吳百朋推掌慶

薊門跋涉馬蹄穿，南北驅馳路八千。椰酒舊聞猿土

俗，嶺雲新識粵山川。軟輿仰接前人履，峭壁橫飛石

鏘。泉即令隴頭逢驛使，相思那得有梅傳。

絕巘崔嵬不可攀，巨靈設險在當關。扶筇畏陟嶺上

南雄府志下卷之十八 藝文上

三六

十

嶺柱笏遙看山外山，丹樹盤崖晴色遠。白雲出岫客

心閑，向平五嶽何年遂。采葯還愁鬢已斑。

度大庾嶺

陸濬睿宣府

望望梅關，敢載馳南荒。瘴氣任迷離，闕雲猶護禪師

鉢。衰草能留相國祠，正苦羊腸鴻未度。欲窮鳥道馬

先疲，息肩亭上重回首。古驛斜陽動遠思。

種玉亭

避暑惟宜憇小亭，夕為蝴蝶旦為萍。蓮花灼灼偏多

白，榕樹陰陰不改青。將晚瘴雲窓外落，弄晴蠻鳥枕

餘聽。流風恨失凌江志，祇讀遺文憶九齡。時新刻也

遊揚歷巖

五月山田未放花，探奇炎日路偏賒。為看古木遙相

接，漸見危樓近復遮。架屋陰巖稱絕壁，充厨引澗試

新茶登臨到此塵心豁笑指仙云是我家
林岩寺半有成

公祖師當年剪棘辟疆勤自有金山軼典墳
龕外一燈常寂

寂人間萬劫總紛紛晴初瀑布俄驚雨
注有龍潭

布樹結蒲團可坐雲從一線天
綠柯而上下為深

涼耽玩久石橋歸路尚餘曛
團皆榕根所結豈愛納

楊歷巖

沈皞日

縱轡度阡陌紆迴陟崇阿松柏正蒼鬱層崖何嵯峨

仰睇窮飛泉俯視渺修柯古人恣遊眺綿邈日月徂

我來登其巔凌風欲如何

放鉢石

喬林亘長岡陽坡當大道山阿鬱蔓蘿曲澗浮荇藻

榜有片石存古風未云渺徘徊不忍去安事慕蓬島

南雄府志下卷之十八藝文上

三

十

二松臺

暮瞻百粵道朝登三松臺崇阿蔭長衢蒼翠映莓苔

下有芳草生上有悲風來古人不可作日夕一徘徊

遊青嶂山四首

自出江城路山深起暮寒村村聞水碓樹樹激風湍

比屋歡秋熟閑居識政寬逢人問青嶂曲折指雲端

看山當暇日道遠馬行遲鑿石通幽徑依松結古祠

客來無鹿報路僻有雲隨隱隱鐘聲近幽懷愜素期

炎鄉風景異木葉未經霜曉樹漫山白秋禾遍野黃

高林藏石澗峻嶺隱茆堂十里烟深處遙遙路渺茫

圍繞千峰裏層巒一徑分泉聲松外出樵唱馬前聞

樹密真無路山低亦有雲齋厨僧飯足歸興逐斜曛

再遊楊歷巖二首

驅馬城西道朝暎散古榕穿雲沿斷岸涉水上層峰
倩僕扶危磴呼僧借短筇太虛如可接鸞馭杳難從
碧樹郊垞路重來馬足輕林禽聲似喚山犬吠相迎
松老渾忘歲花香不辨名登臨興已愜落日照江城

遊楊厓巖

路指江城外雲開石壁間早春遲野步殊域訪名山
樹密亭臺出花深麋鹿間泉源低自由巖屋隱相環
芳草迷崖徑繁英照客顏寺深門剝啄松靜鳥綿蠻
遠靄沉青嶂危峰列翠鬟衝烟人獨在帶月馬空還
傳火遙聞磬吹笳近閉關行行更回首重興訂躋攀

古種玉亭歌

釋今釋

我聞此亭名種玉丞相章公手所築遠亭偏塞藕花
香池中飛起雙鴛鴦章公之祖蜀大將練氏夫人德

南雄府志下卷之十八 藝文上

元

十

無相屈法曾留二將生反戈欲踏建州平白旗區區
聊以報夫人麾去堪一笑義不活汝私家門一城俱
亡吾豈存二將聞知迴殺氣繩繩餘慶貽諸孫亭名
種玉應有說勸人切莫種生鐵玉作圭璋鐵作刃殺
人自殺爭秋毫陸公孝山雄州守州人誦德不容口
南方之強寬以柔使君無怒民無憂山中草不生躑
躑樹中鳥不鳴鴝鷓火即遠風河渡虎仁人一言其
利溥十載生全多少人四時氣候如三春數椽為復
茲亭舊招我同來消永晝良友兼呼二仲賢新篇競
發千巖秀倚檻閒看人種蓮紅白枝枝相待鮮顧我
亭中宜有額我為章公標母德更願人人似陸公廉
平不陷文可活亦願陸公如章公火城照夜隨朝鐘
但恐陸公尚箕穎天外白雲時引領三十年來殺運

深鷺鳳不得鷹鷗心安得八萬四千歲歡喜吉祥同一會

庾嶺曉行

陳子威廣道南

大庾侵曉駕星車百粵關出到眼初朱旆數行迎劍
寫黃梅半嶺過琴書松依亂石相高下衣惹閱雲自
卷舒霽日方升茅舍外笑看野花倚長鋤

南雄

青嶂千里扼嶺東天南郡治此稱雄巖飛瀑影依仙
女山吐雲光說謝公燕剪已經翻畫白馬蹄空憶踏
梅紅停鞭叱馭樓前午為念蒼生一採風

度大庾嶺

張說

東漢興唐歷南河復禹謀寧知瘴癘地生入帝王州
雷雨蘇虫蟄春陽放鷓鳩汨沿炎徼裏登降粵山陬

南雄府志下卷之十八藝文上

三

上

嶺路分中夏川源得上流見花應獨笑看草即忘憂
日照居重譯天星已再周鄉關絕歸望親戚不相求
棄枝枯遠植窮鱗涸更浮道消黃鶴去運啟白駒留
江妾晨吹去津童夜擢舟盛明良可遇應返雒城遊

下嶺

朱彝尊

天地從此始萬里極滄溟地實揚州境山同劍閣銘
玄黃懷我馬長短數官亭鄉路雲霄外虛瞻斗牛星

度大庾嶺

雄關直上嶺雲孤驛路梅花歲月徂丞相祠堂虛寂
寞越王城闕總荒蕪自來北至無鴻雁從此南飛有
鷓鴣鄉國不堪重佇望亂山落日滿長塗

凌江道中

遠客千行淚離城一葉舟生憎江上水不肯向東流

泊修仁水口是范雲飲水賦詩處

陸圻

南齊范雲廉吏傳嶺南捧檄路徂修但飲修仁之清
水不挹斜階之濁流陰善固為賢者尚惡名且令君
子羞君不見墨翟耻入朝歌邑曾參復迴勝母車善
飲寧拘盜泉漉擇蔭豈息惡木餘烈士狗名既若此
家丞秋實當何如

雲封寺

即惠明寺鉢處

嶺頭精舍草芳菲六祖東還度翠微亂石應將頭共
點孤雲猶似錫初飛履歸西域無消息衣付南宗有
是非不必曹溪曾飲水先於此地欲皈依

通梅嶺二首

汪蓮

遠嶠春深積翠重籃輿曉發白雲封泉聲迥落千巖

南雄府志下卷之十八藝文上

三十

上

石曙色全遮繞徑松半嶺有人堪問俗層巒無路強
扶筇由來此地多郵使安得梅花二月逢
迢迢度嶺恨重關列嶽崢嶸未可攀曉月遠從征旆
落岫雲時停客衣遠晴川半遶榕陰外古屋惟餘翠
鬣間多少往來名利客蠻烟深處淚痕斑

楊歷巖

陸世楷

知府

隨刊阻禹迹山川委荒陸元戎肆薄伐嶺表方芟夷
擁旄秦關側散騎滇江湄師行既閱暇臨眺乘斯時
脩篁夾廣路飛泉注中池策馬登山椒仰睇何嶮巖
丹梯一以闢佳名永勿移層崖昔銘石深谷今沉碑
賢達不可作千載空懷思

放鉢石

少年未聞道希世情皇皇理檝越江渚溯洄天一方

溯洄忽已窮改轍登高岡迢遞入雲際俯視飛鳥翔
崇關獨夫壯古松千歲長松下脚憊想挹彼流水香荒蘿
甯幽石龍象馴其傍西來迹窈冥南土道大光秉鐸
理既晰傳衣是非荒願言謝圭組塵外聊徜徉

登大庾嶺初謁文獻公祠

庾嶺非曼絕瞻之若岱宗地通蠻服遠山接瘴煙重
避雪一行雁千雲百代松生平攀躋意今日快登龍
書堂懷古試始與童子題

金鑑千秋在斯文孰與倫空吟白羽扇不覩紫芝園
雨蘚侵書壁烟蘿罨席門墨江春浪急猶似倒詞源

南安道中望大庾嶺

水擊三千始沂源據鞍猶自問南轅荒荒沙磧疑無
路歷歷烟林別有村獨向嶺頭探虎穴誰從天際鑿

南雄府志下卷之十八藝文上 三十一

龍門寨惟叱馭前賢事試看梅花幾樹存

下嶺

崇山登降已云疲嶺外巒煙入目奇晚岫青蔥何鬱
鬱寒林黃線尚離離幾家茅屋干戈後夾路喬松剪
伐遺多少南來詞賦客停驂揮淡寫新詩

初入郡界

村不見瓦屋山惟聚石頭南來半萬里風景似東年

種玉亭雄府署中

竹樹雜芳堤看花日欲西躍波魚在藻銜草鹿鳴麋
廟似逢神女亭傍有七姑神廟亭疑致碧雞使君賢尚古種

玉更留題

張文獻祠

文獻千年在祠堂祇樹陰經綸江水遠開荒嶺雲深

姚昌符知府

月皎垂金鏡風清響玉琴松楸臨古路一片歲寒心

梅嶺

霞蔚雲蒸臺嶺頭梅開自古鎮雄州天開一道紫紆
入壁落千尋紫翠浮長浦月高橫笛噪凌江花滿鷓
鴒愁越倪虎變東南後形勝盤空勢未休

遊楊歷巖

朱介經歷

攬轡雄州路尋茲楊歷巖雲松潔霽色風日美遊盤
登臨既殊觀高下亦屢遷巉峭結虛閣紆迴列修椽
沫雨洒遙空絡泉懸中天水石產秀異洞壑秘幽玄
肅爽心魂清愴悅情思綿伊昔開期運山靈蘊始宣
功業歸伏波名字傳樓船俯仰經千古懷柔閭幾賢
文明詎前圖屯否寧後艱遺銘滅碑版陳跡垂山川
夕陽下巖阿城郭浮寒烟傾杯聊更酌此日復何年

南雄府志下卷之十八藝文上

三

一

題龍護園

龍護何年立幽棲愜素情禪關祇鳴磬城市不聞鶯
檻外山含雨庭前花弄晴瘴烟銷盡處風日澹餘清
過文獻公書堂 袁必得教授

偶從名勝擷遺芳俯仰當年舊草堂讀史每懷先達
遇採風今識大賢鄉文章已紹名山業風度猶留庾
嶺香惆悵讀書人已遠蕭蕭落葉帶斜陽

陪陸郡尊遊楊歷巖

晨起策玉騮揮鞭出林廓追隨相後先歷塊逾臯落
方喜陟巖麓須臾轉山閣石虎嘯層巒水龍吟絕壑
絕壑良嶽陔危檄凌高岑慧石禪通偈齡松梵解音
鳥喧山自寂雲去樹無心微颺司祝啟潺湲撫素琴
瀑布飛瓊液銀河瀉空碧玉縈綴脩蘿夜光濺危石

素娥垂晶簾白練捲天壁銀梭往復回巧若天孫織
丹邱道既成寶幢遙相迎脫鳥飛白日披霞陟蒼冥
筵簧天外奏雞犬雲中聲成公渺然去遺此龍泉清
龍泉清見底白石皓如齒噴吐何沆漭流涎亦清泚
近看寶花生遠聽雲璈起確鬼俯崕嶺磴竇瞰城市
城市列瓊楹棟羅碁星奇峰青列幃近岫碧懸屏
浮漚等區宇杯水齊滄溟俗垢涓欲盡道心行復呈
輕雷擊巖掌嵐翠滴蒼莽化雨隨鞦韆風凌袖爽
四望恣徘徊六合窮俯仰振衣立千仞歌嘯冷清響
初抵雄謁張文獻公祠 楊際亨 順昌

南雄府志 卷之十八 藝文上

三

一

題一草亭

偶結茆茨號草亭後人敢擬太玄經蕭然清暑渾無
事鳥語時從樹底聽
葉卷芭蕉高下垂一窓濃綠映鬢眉試為寫入圖中
看恰似家園讀易時

度大庾嶺

曹 愷 郡人

登登直上最高巔雙足鴻濛躡紫烟山自北來趨粵
海人從南去見燕天松蒼梅古疑秦樹賈使佗臣記
漢年莫問當時圖霸事雄關今已草芊芊
遊楊歷巖 曹 愷 郡人

第一名山迥不羣望來蒼翠不曾分晴天亦雨泉飛
雪曉日常陰石吐雲觴詠擬追蘇學士姓名誰比漢
將軍摩摩欲識當年事刻薛爭教讀記文

庾嶺寒梅

同知戴

綸 郡人

春風占幾番驛使休攀弄記得出山時羅浮同入夢

凌江秋月

分明海上生皎皎何年出却笑古虞泉清光徒浴日

官道虬松

行人少憇來所愛盤空好我亦植田園輸他鱗未老

靈巖瀑布

一幅水晶簾最宜垂九夏休教捲玉鉤携去樓舫瀉

陰晴塔影

古塞宅神仙浮圖留幻景誰能作託來不愧張三影

温煦泉源

萬壑總冷然斯泉温可浴雪霜莫浪侵欲和滄浪曲

玲瓏仙室

南雄府志下卷之十八 藝文上

三

上

秦漢愛求仙那知仙住此三山縹緲間臺榭將無似

瓔珞漁舟

風起自青蘋一聲傳欸乃老夫秋興濃已釀黃花待

書堂瀑布

祠高傍雲封樓古傳風度誰識讀書堂更饒飛瀑注

天柱晴雲

明明觸石飛不染江中墨丹鳳倘來儀繽紛成五色

温炎泉脉

不肯效炎涼太和長可掬障之西北流大地無寒谷

晦朔潮痕

大海嶺之南誰迎潮水上不須子午時別自成消長

庾嶺寒梅

明提舉陳進 郡人

歲暮江南意若何瑯瑤枝上覺春多羅浮有夢啼青

鳥玉宇無塵倚素娥自古松筠同節操由來鼎鼐待
調和可人懷抱清如水楚調應裁白雪歌本成化舊志

官道虬松

軒騰渾似角雌雄勢捲巖巒幾萬重焦尾曾經雷電
掣脩鱗多歷雪霜封枝頭掛月珠光射葉底流雲翠
沫濃我有丹心懷補報功名何日夢相逢

凌江秋月

江雲散盡雨痕收夜色婣娟映碧流玉斧修成三萬
戶金波浮動一輪秋鏡中毫末分蟾兔河畔尋常見
如牛酒醒夢回樓閣靜却疑身在廣寒遊

靈巖瀑布

層巒疊嶂紫霞堆中有飛泉百道來白晝無雲晴噴
雪清霄不雨暗驚雷夏涼雅稱調冰盃秋冷猶宜薦

南雄府志下卷之十八藝文上

三

上

菊盃千古匡廬同此景品題誰繼謫仙才

陰晴塔影

浮圖千尺起層屢半入虛無看不明月轉黃昏移玉
樹露垂清夜滴金莖觚稜直壓花陰重斗角橫鋪水
面輕幾度攀緣登絕頂倒身翻與地相平

瓔珞魚舟

水碧沙明分外奇漁舟泊處日忘機桃花雨暖紅鱗
健蘆葉霜晴紫鱗肥亂石嵯峩栖斷岸滄波清淺映
斜暉一川勝景猶存迹瓔珞千年傍水涯

玲瓏仙室

何年仙斧鑿山開滿室烟霞護石臺圭竇有天通日
月瑤階無地着氛埃金華謾叱群羊去遼海終期獨
鶴迴幾度登臨訪遺跡恍然身在小蓬萊

晦朔潮痕

江湖消長去來頻滿眼浮花爛若銀
漳海飄飄驚鷺母炎州髣髴降滕神
春風芳草斜陽度秋月蘆花淺水濱
幾處乘流艤舟楫不知誰是濟川人

温煦泉源

給練胡定 郡人

清泉脉脉注神區丹陸炎蒸貯一湖
豈是鈞陶呈巨鼎翻疑橐籥鼓洪鑪
晞餘蒯席衣重整渙繼蘭亭酒浪呼
最喜賢關猶可即春風沂水樂何殊

書堂瀑布

鄴侯萬卷展風簷妙理清機一室兼
倚閣山開雲氣帳當窓泉掛水晶簾
千層駭浪貯弘濟百尺榮光繫具瞻
勝境低徊憶相度賦詩猶思企輕縑
天柱晴雲

南雄府志卷之十八 藝文上

三

上

一柱嵯峨鎮越南祥雲蒼藹裊晴嵐
九苞鳳翥輝丹陸五色龍從附蔚藍
玉樹風生舒復卷銀河月上吐猶含
莫言出岫纔膚寸溥海遠教雨澤覃

温炎泉脉

祝融何處更鍾英雙井靈泉秉日精
金燧燿熒從地伏銀床鼎沸自天成
月明菖菑青烟起風落梧桐白氣橫
若使唐宗遊勝景玉龍豈獨置華清

度嶺南第一關

郡廩郭柱

突兀雄關跋履難登臨頓覺地天寬
三江水樹浮雲白五嶺山川熾日丹
鎖鑰中分洲半壁車書遐率路千盤
一從相國開彝行珠海光搖星斗寒

揚歷巖應姚郡尊試

戴家駒 郡人

山勢翳鬢鬢碧漢通五丁開鑿更玲瓏
瀑寒六月猶疑

雪樹古千山盡信風石屋樓船雙想像碑文苔蘚半
朦朧只今銅柱分茅在南越同誰紀漢功

憶梅賦

元燕京朱原薦郡人

倚髯箕踞掩卷微吟慨風沙之眯目撫歲月而驚心
憶梅花之不見渺予懷于登臨迺出都門徐
徘徊易水之上徜徉燕山之下訪金臺于荒邱吊石
鼓于鬻舍呼斗酒以澆愁想一枝之蕭洒夕陽已西
新月如畫歸奚奴之背錦凌天風之返駕載行載歌
其樂陶陶歸斯就寢一枕逍遙夜夢群仙扣吾窗
迺迎瑶其裾迺縞其服舞疏影之零亂咳異香之芬郁
若夫新詩動興東閣回眸儼如何遜同在楊州玉蕊
明皎幽光留夜又如老坡松風亭下水影橫動月香

南雄府志下卷之十八 藝文上

三

暗浮又如逋仙湖山勝遊未問和羹先魁春榜又如
沂公賦詩自况或灑落如秦黃或豪邁如李杜或寒
瘦如郊島或清洒如徐庾其枕烟卧霞止芝高山之
四皓其鬢風鬣雪也羶瓶蜜之蘇武恍兮惚兮載言
孔喜不玉而蕊不琮而花焉呼噫嘻非花神耶昔庠
平以天姿麗質而此賦吾今獨以端人正士而見嗟
不然何山川之寥寂而能接魂夢于天涯詰其所以
俛而不答倏爾情親歡然意洽覺臭味之相投環四
座而相狎且謂予言此行則那汝位不高汝金不多
奈何以山水之情性而歷乎宦海之風波嗟一出之
容易迨兩載之蹉跎獨不記山中之索笑頽然醉月
下而高歌嗟乎水兮迢迢不足以寫吾相思之情雲
兮綿綿不足以喻吾蘊結之苦玉堂金馬吾不為之

古節舍竹籬吾不為之怒付萬事於無心惟以天而
出處迺若真心之長在豈甘與草木而俱腐花神喜
而言曰歲寒知心惟予惟汝予不歸來洞天誰主請
事乎鸞驂蚤乘風而高舉

墨江賦

始與馮上遊

維墨江之發源漸濫觴于清化合律朔以同流經花
管而下瀉環球山以逶迤激獅石而叱咤固難擬四
瀆之雄奇實則增一方之聲價爾乃激湍激澗沓
沖澗滌洄膠蕩澹深瀟濛濃烟重封乎鰲窟濁霧
鎖乎蛟宮水晶鹿蚤而無色月珠含蚌以夫蹤非
城之硯池嵐彩偏浮于水面豈懷北之墨塹元膏
疊結于泉中認淄川而境異呼墨水而名同其下
則異石繽紛皮皺肌透斷壁零珪峭嶮繡青蒼玳
瑁之

南雄府志下卷之十八藝文上

三

十

姿弗鬱瑯玕之秀有如蝌蚪之縱橫或類虬螭之盤
糾悉黝質而墨章儼烟膠之製就獨其瑞比青之靈
若玄霜無因不顯有待而彰象太極之氤氳凝胚胎
于密蕊覽籀書于篆水觀吉字于文江信與之而同
符先文明之嘉祥當其洞澈淵泓汪沆澄澗曦照影
涵風恬波息翠練舒而潭水清烟光凝而暮山碧依
稀玉玦之研磨恍惚金錠之浮溢及夫怒濤決滌峻
端奔馳激如地裂豁若天披狂瀾砥砥以颺起巨浪
澗演而雲垂剝又似乎坡公掀髯萬斛珠璣之空湧
張顛濡髮興酣染汁以淋漓則有髯閣貴游漆園逸
黨曠達不羈風流個儻聞石墨可畫眉遂神飛而心
蕩向樵牧以問津沿江臯而邁往又有鐵冠道友緇
衣僧徒共談天地各緝經書溪提之壺既盡磨伏之

髓亦虛羗聞風而採採等石墨于隃糜更有元亭先生青衿學士乞巧不來送窮不去江邊覲覲憶夫子斯文係命之言澤畔流連想季路探甲取鯁之計于是先登戰勝皂衣輸戈取墨庄於水府漑釜鷺于碧波霍然如興陳蔡之病浩乎而登墨江之歌歌曰含污不辨兮仁之容滌穢不滓兮義之公迴旋不迫兮禮之宗黑白不淆兮智之通盈科不蹴兮信之崇連漪不息兮文之工見險不避兮勇之雄具備七德兮故能有開必先而覺此邦之迷蒙苟在我實有闕安僥倖而希靈兮何異以蠡測海而以筵撞鐘

記

開大庾嶺路記

唐張九齡

先天二載龍集癸丑我皇帝御宇之明年也理內及外窮幽極遠日月普燭舟車運行無不求其所寧易其所弊者也初嶺東廢路人苦峻極行逕負緣數里重林之表飛梁葉巖千丈層崖之半顛躋用惕新絕其元故以載則曾不容軌以運則負之以背而海外諸國日以通商齒革羽毛之段魚鹽蜃蛤之利上足以備府庫之用下足以贍江淮之求而越人綿力薄材夫荷妻戴勞亦久矣不虞一朝而見恤者也不有聖政其何以臻茲乎開元四載冬十有一月俾使臣左拾遺內供奉張九齡飲冰載懷執藝是度緣證道彼灌叢相其山谷之宜革其坂險之故歲已農隙人

南雄府志下卷之十八

藝文上

四

十

斯子來役匪逾時成者不日則已坦坦而方五軌聞闐而走四通轉輸不以告勞高深為之失險於是乎鑿耳貫胸之類殊琛絕賫之人有宿有息如京如坻寧與夫越裳白雉之時尉佗翠鳥之獻語重九譯數上千雙若斯而已哉凡趨徒役者聚而議曰慮始者功百而變常樂成者利十而易業一隅可幸二者盡就况啟而不通通而未有斯事之感皆我國家仁澤寢遠絕浪脊洎古所不載豈可默而無述也盡刊石立紀以貽來裔是以追之緣之樹之不朽

修南雄州城記

宋丁寶臣

知州

開寶四年王師克劉鋹嶺外始被聖化距今八十四年阜安生息不識戰鬥東西四十有五州惟廣桂邕號大府有金湯之險他皆闕如間有亦庠陋不足

為固蓋承平日久四方弛武備慮遠者欲豫為之所
而俗好議論往往以為生事動民故所在守長不敢
議改作皇祐四年夏五月蠻人陷邕管邕疆場也會
帥非其人斥堠警備不治賊至城下殺掠吏民乘鏡
而東破瀕江九郡入廣攻城不能拔引而還邕時旁
近郡悉集境內丁壯為捍衛南雄守殿中丞蕭侯勃
議乘眾力治舊城而大之或曰兵興民方騷然又從
而倡役如重困何侯曰此豈得已而為以賊乘吾無
備而來諸州之所以殘廢之所以獨完利害較然奈
何復循覆車之軌乎乃上其事擇吏之幹者軍事推
官張處中督之未幾有詔城諸州而南雄之工先稱
辦規模宏偉又推甲馬廣袤六千八百六十尺下厚
四十五尺上殺二之一崇二十五尺加女牆六尺用

南雄府志下卷之十八 藝文上 一

人之力一百八十萬直南立正門冠以鹿譙衛以甃
城東西二門如之環城縱出樓櫓相望凡為屋大小五
十四區二百六十楹其他守械稱是

平政橋記

曾豐 德慶州

距大庾九十里為南雄州負抱二流合于城西南為
凌江津西驛道也潦備舟涸備橋常如式南曠道爾
帥輻使輶不由尉慢眦里脊如之秋冬涸從木衝竹
應橋程春夏潦闢木閭竹塞舟責公私病之于是編
舟為橋之筴行潦則舟格于磧風日索以裂也纜卷
于碕雨露淫以折也乍治乍忽無常公私又病之于
是累石為橋之議興六龍南御以還州縣長貳懲興
作狃偷安開禧改元聶公周臣為守之明年也津吏
以舟格纜卷告公得其故與其貳陳椿年謀割月俸

為倡貳以下翕然應之學論葉氏子剛欵右家謁左
費應者翕若得錢緡二萬米石二千獲所入讐所出
伐石鑿其下九伐木廬其上三十六荒度于乙丑春
鳩僦于己巳冬

唐文獻公宋十大夫祠記

張庚主簿

繪像立祠思賢也立祠于學風勵後人也夫天之生
賢固不數而謂之賢者必孝于事親忠于事君臨大
節而不可奪朝廷倚為輕重天下繫其安危雖其人
已歿其事寢久聞其名想其人百世之後如將見之
則夫扶持正論興起人心舍斯人吾將安仰粵惟有
唐丞相文獻公生于始興之泮水始隸曲江公先封
始興伯開元後天下稱曲江公而不名泮水在始興
邑之南其地石峭水清風氣爽豁意公鍾山水之秀

南雄府志下卷之十八藝文上

三

十

風度醞藉故以文章勲業著名至于我宋是邑人才
輩出許致許牧祖孫同顯鄧戒鄧闢兄弟媲美譚煥
以八行居甲科鄧酢由萬言至秘閣躋華顯而登仕
版者有十大夫之稱同時遠鄉閭里榮之雖庠序教
育始然亦文獻公遺風餘烈所及顧公之文章勲業
載在史冊者人皆知之乃其誠孝可以動天地精忠
可以動日月而朝有指鹿之奸國棄櫻鱗之士卒把
蓬干之忠於地下良可悲也曲江與南雄俱有祠而
始興縣闕而不立已郊之春令佐諸君與職事師生
語曰昔文翁守蜀吏民為立祠自是蜀人多好文雅
韓文公謫守潮陽潮人師事之至今文風為之愈盛
况文獻公生于是邦而十大夫皆先達名士可不繪
像立祠而使後人起敬起慕耶于是合辭稱善邑宰

趙侯彥偃首為之倡庚繼贊其事諸職事各任責宣
力由是鄉老聞而作興父慶其子長勵其幼聚金鳩
財乃相講堂之東偏為文獻祠于右為十大夫祠不
閱月而貌像丹青儼然山立几筵陳列高下有序
且既嘉衿佩翼趨合以燕饗來觀濟濟莫不慨想遺
風而願學焉自唐至宋寥寥千百載是邑豈無令佐
之賢鄉曲之英奉祠致敬而愍愍至于今日若趙侯
可謂知所先務其用心賢矣哉今既落成職事諸生
來言願刻諸石屬庚為記辭不獲已採摭文獻公之
文章勲業與其遺風餘烈書于前矣然趙侯勉勵諸
生之心殆不止是也昔陽城為國子司業引諸生而
告之曰凡學者所以學為忠孝也諸生肄業學校平
日講明論辨無非有用之學豈特工于言辭章句之

南雄府志下卷之十八 藝文上 十一

末哉要必有以為之本者夫子曰事親孝故忠可移
于君而禮經亦曰忠臣以事君孝子以事親其本一
也司業與文獻俱以忠孝立身卒為唐之名臣能因
是而考二公之行事究二公之用心好學力行期無
愧於為子與臣之節異時彈冠王朝直節正色開元
遺範軌迹可遵乃趙侯立祠之本意併書以勉後人
云

忠孝祠記

嘉定己巳庚午間江西峒寇猖獗數犯雄境郡守宗
簿趙侯善傑銳以却賊自任親率師督戰沙水其子監
廟汝振與司法叅軍黃公樞從之兵敗皆死賊手一
時諸將奮不顧身先後力戰歿于陣者亦眾其特顯
者如摧鋒梁淮備滿之于柯木均摧鋒彭淮備添之

之于火遥摧鋒蕭統領輝摧鋒副將陳丞信澄之于
沙水左翼統領楊武翼世雄右翼蕭副將雋之于白
雲是皆身不幸以歿其所摧破不翅僅足相當既因
是大創率揺手相戒勿易此南雄人因遂潰去矣廟
以忠孝名實創于趙侯時其地則報本寺之後距今
二十餘年竟以頽毀乃不知何時遷塑像于寺左廡
下湫隘特甚又司法黃公像獨附于聖妃廟之側理
亦未順琳間嘗道其事于今郡侯黃公惻然傷憫之
謂琳記其事俾死者姓名不遂泯歿祠則因舊稍遷
而又移司法黃公像于此若忠若孝以類相從也更
有為琳言方摧鋒梁淮備以戰歿提刑廖公德明丞
自詔馳南雄新撫其棺哭之且謂君嘗以死許我而
今真死矣夫忠義激烈之事夫人所共仰惟事久歲
南雄府志下卷之十八藝文上

留

十

遷無人表著而顯揚之則聲光幽黯忠魂義魄鬱鬱
抱恨于九原者多矣黃公以事閑激勸故汲汲乎為
是舉非特為觀美以文飾太平者流也

梁侯祠記

黃

樞

參軍

嘉定二年冬提點刑獄廖公德明循修南雄州謂知
州郭圭道判趙善俱曰梁將死於賊忠壯可尚盍築
屋祠之三年春落成先是峒賊出沒江湖聲揺東廣
州抵南安近峒亦近州以逼吾圍請調度方嚴梁奉
提刑檄提軍先來柵大黃時人有警也賊聚犯境梁
與賊遇賊幾千人而梁軍五十人寡寡寡絕梁以詠
身居兵間顧軍曰若何又曰見賊不殺何為又曰當
共以死報國軍未之應則又曰摧鋒軍可退師耶軍
奮而從之凶暴無賴竟逆我師救援者後一日梁逐

沒軍之死事者十九人方戰時旗幟虎飛鐘鼓呼譟憤心怒氣嚮震林谷古所謂張空拳冒白刃叱向爭死敵者賊雖僥倖而震怖警懼數日間遁去州以無事厥後祇園珠周田之捷其機皆自梁發之賊戒語曰南雄死所不可當也嗟夫人各有一死賊獨不死耶臭穢腥臊怙終賊刑死生堪羞者也昔韓文公書張巡許遠事而曰以千百就盡之卒戰百萬日滋之師蔽遮江淮沮撓其勢天下之幸誰之力與乃今考諸梁而信使梁裴相觀望若保首領不過一妄庸人爾死而其名彌彰其所摧敗亦足以暴耀一時矣提刑公以儒宗總制戎旅知人明任使當能得士之死力此其一也褒勞軫惻形之爵辭具之奏牘上棟下宇百世烝嘗之妥其靈死事者環列左右賞功旌善

南雄府志下卷之十八 藝文上

聖

十

有古人風梁名滿進義副尉韶州人樞叅軍是州目擊之承通判公命既紀其實又為梁作悲歌且刻于柱歌曰突兀孤忠兮凌霜日芬芳令名兮傳金石所遇雖小兮所施罔極山川有相兮新祠奕奕春秋匪懈兮享祀不忒馨香在德兮糞穢掃跡皇皇神師兮下擊賊稟凜厲鬼兮上報國有命自天兮永與廟食

四先生祠記

真德秀

寶慶三年五月南雄州始立周子二程子朱子之祠于學教授三山陳應龍以書屬建人真德秀為之記德秀曰四先生之道高矣美矣顧德秀之愚未能窺其藩矣將何詞以託之雖然昔嘗聞其畧矣道之大原出于天其用在天下其傳在聖賢此子思之中庸所以有性道教之別也蓋性者智愚所同得道者古

今所共由而明道闡教以覺斯世則非聖賢莫能與
故自堯舜至於孔子率五百歲而聖人出孔子既沒
曾子子思與鄒孟氏復先後而推明之百有餘歲之
間一聖三賢更相授受然後堯舜禹湯文武周公之
所以開天常立人紀者燦然昭陳垂示罔極然則天
之生聖賢者夫豈偶然哉不幸戰國羸秦以故學術
湮散無所統盟雖以董相韓文公之賢相望于漢唐
而于淵源之正體用之全猶有未究其極者故僅能
著衛道之功于一時而無以任傳道之責于萬世天
啟聖朝文治休洽于是天禧明道以來迄于中興之
世大儒繼出以主張斯文為己任蓋孔孟之道至周
子而復明周子之道至二程子而益明二程子之道
至朱子而大明其視曾子子思鄒孟氏之傳若合符

南雄府志下卷之十八 藝文上

巽

十

節豈人所能為也哉天也而四先生之學豈若世之
立奇見尚新說求出乎前人所未及耶凡亦因乎天
而已蓋自荀楊氏以善惡混為性而不知天命之本
然老莊以虛無為道而不知天理之至實佛氏以剗
滅真倫為教而不知天叙之不可易周子生于絕學
之後乃獨深探本原闡發幽秘二程子見而知之朱
子又聞而知之述作相承本末具備自是人知性不
外乎仁義禮智而善惡混非性也道不離乎日用事
物而尚虛無非道也教必本乎君臣父子夫婦昆弟
而剗滅真倫非教也闡聖學之戶庭祛世人之矇瞶
千載相傳之正統其不在茲乎嗚呼天下之幸斯文
也其亦至矣南雄為郡邈在嶺南士習視中州號為
近厚迪之以至正之學必將有俛焉自力者然陳君

之所望于學者也。屬即天之命我萬善俱全一毫有虧是曠天職昔之君子凜凜焉淵冰沒世弗懈者凡以全吾所受焉耳嗟後之世何其與古戾也利欲之風深入肺腑禮義之習目為閭迂已之良貴棄置如弁髦而軒裳外物則決性命以求之弗舍也吁是可謂之大惑乎志于道者其將奚所用力乎緇覽往昔有聖相傳敬之一言實其心法蓋天下之理惟中為至正惟誠為至極然敬所以中不敬則無以為中也敬而後能誠不敬則無以為誠也氣之決駁然于奔駛敬則其御轡也情之橫放甚于潰川敬則其提防也故周子主靜之言程子主一之訓皆其為人最切者而朱子又丁寧以覆之學者儻于是而知勿焉思慮未萌必戒必懼事物既接必恭必欽動靜

南雄府志下卷之十八 藝文上 一

相因無少間斷則天理全而人欲泯大本之所以立達道之所以行其不由此與陳君果以為然則願以此刻于祠之壁為學者觀省之助若夫誦其言而不反諸躬惟其名之趨而匪實之踐是豈四先生立教之意哉又豈陳君所望于南邦之士者哉

黃太守祠記 屈 竦 即人

侯國歲貢古制也歲貢歛民非占也雄民病于上供久矣而未知所自始因咨故老曰紹興間郡國多事帑藏蕭然每歲漕臺以母錢四千八十一緡有奇責本郡市銀三千四十有七兩以供于上里正領錢隨民稅資高下授之此一時權宜之術未為甚病時久弊生母錢既不敷于民而額外又科聖節供本銀三歲增火禮銀四歲增提點司銀合四歲通計則歲該

銀三千八百兩有奇然名雖均數而品官全免貢士
半免豪猾苟免其銀數自若也故郡胥始羨其數青
辦于縣縣胥益羨其數責辦于里正里正趨歛民以
奉官而痛始極矣作法于涼其弊尤貪寧不信耶於
戲唐自楊炎變租庸調為兩稅留州送使上供皆在
其中當時人已病之我雄民既輸兩稅又加上供是
民苦于供輸過唐兩稅無怪田里蕭條流離相屬三
山黃公始以惠倅來牧我邦既而易節守倉臺熟知
民瘼嘗曰弭盜莫先安民安民莫先薄歛矧雄為郡
接壤江西峒首穉處民不聊生于是約已捐歛代民
輸上供者四年然猶慮銀賦如一身之疾也標印暫
除本則未去終為吾民患苦于是飛剡上聞每歲于
本司發鹽以百餘羅付本郡貿易以漕臺本嘗湊之

南雄府志下卷之十八藝文上

市銀起發永為官民兩利皇上英明仁恕嘉其愛民
以厚國本有詔報可榜揭通衢歡聲雷動負于塗耕
于野者欣欣相告曰我公天地惠我無疆保我子孫
也吾無得而稱焉一日郡民吳汝梅貢士李劉首倡
創公生祠于梅山雲封寺西十圍之民響應子來消
吉經始逾月畢工復大和會屬竦為記竊謂是舉也
百年之患自公而除萬世之利自公而興真誼交孚
仁聲淪洽雄民口有碑心有銘是祠也父老蓋欲飲
食祀之後人社而稷之矣

始興縣儒學記 元劉嶽申 提舉

上臨御之初詔天下以農桑學校為政化之本凡科
舉取士一如舊制明年開奎章閣置藝文監修舊史
以著前代興亡治亂之迹作皇元大典以垂聖祖神

宗功德之贊天下郡縣遐方僻壤皆崇學興賢以欽
承明命於是始興遭遇皇元混一之盛五十餘年矣
而學始克建焉按縣孫吳時屬始興郡晉因之逮隋
屬廣唐屬韶宋屬南雄國初民未奠居學隨縣三遷
比年縣始復舊而學宮尚無所處主簿鄭君康斗教
諭陳君以道始謀卜地于縣之西起天曆己巳之秋
逾年而廟成屬以道遠廬陵範金為器將以上丁釋
奠于先聖先師而請記于余且謂曰學故有田而久
沒其籍可稽者無幾又值歲歉鄭君倡以俸而復其
為士者以繼之稍征其可稽者多方求其所可繼者
又買田五十畝以充祭祀又復其民十二家以供灑
掃以為可久使來者知其為之難而繼之以善成之
以不倦此記所由作也余惟天下郡縣至唐始有廟

至宋始有學然自慶曆詔下而言之廬陵撫之宜黃
不克建學者久之春秋祭祀附于其州者又久之然
後克建彼一時也豈不右文興賢有過前代而廟學
之為宮冠裳之為服尊簠之為器有未易具者况始
興乎鄭君於此可謂知為政之本矣雖然教養之具
有盡于此乎余聞始興在唐有張子壽在宋有余安
道二賢先後為世名臣至今天下知有始興者二賢
力也方今遭逢明盛士以明經策高第者彬彬輩出
始興蓄之已久其發必宏維其時矣此鄭君建學意
也昔杜子美賦衡山歐陽公記穀城屬望來者不淺
陸宰狄君至今有聞良有以也諸君來游來歌于斯
者益務修其德行道藝以無忘鄭君以無負明天子
之詔必有如張余者出非為始興之幸天下之幸也

按歸女初為賢議

大中書院記

明羅倫修撰

中為大本者其體無不具中為達道者其用無不備夫是之謂大君子之學持靜之本以存其虛防動之流以守其一虛則內有主而不一則外有防而不入則物不交于我矣物不交于我則我之所以為我者非人也天也天地合一則天地自我而定萬物自我而遂中自我而大矣夫豈有待于外哉江侯伯温丙戌進士由冬官出守南雄以致化本于興學建書院于學宮之傍名曰大中教授貢瑞教諭單嵩以其從陳璧蔡珙來曰書院左學宮右郡城中山北峙天馬南翔嵐光壑態隱映東西而書院適其中書院後為樓樓後為亭二東曰光風霽月西曰麗日祥雲前

南雄府志下卷之十八藝文上

辛

為堂為門四環以池池東南登雲橋西為步月橋中為一鑑亭翼以天光雲影鳶飛魚躍造于天而為于人無適而非中也此書院之所以名也予笑曰是非吾所謂中也吾所謂中天命之性聖人之教也聖人之教俾人自易其惡自致其中民以官為本官以人為本師弟之為教學易其惡而致其中則善人多善人多則朝廷正而天下治此中之所以為大而江侯建學之意也無已則問于濂溪無已則問于夫子之孫子思無已則問于唐虞夏后氏之三聖人方脫筆二生揖而進曰侯嘗云道至大也中而已矣驗先生之言益信

前題

桑悅訓導

予為西昌教官訓課暇時率門生浮江而上抵于南

安因上下庾嶺以發千古之奇南雄郡侯貴溪江公
遣生徒選予至其郡故得遊大中書院即侯所建也
在泮宮之右池水汪洋數頃東西皆有橋橋之外東
曰登雲西曰步月直書院之前有亭涌波曰一鑑左
翼以天光雲影右翼以鳶飛魚躍入院正門有堂數
間曰明德堂之後有樓高數十尺曰作賢堂之傍有
書舍數十間為諸生講習之所樓之左右有亭各二
左一曰麗日祥雲一曰高山仰止右一曰光陰鑿耳
一曰活水源頭侯善書扁皆侯書院之前後誰植竹
卉竹柏于時有梅數株臨池盛開素粧照波靚妍可
愛予正徙倚梅傍浩歌自適侯忽同別駕黃公汝原
携酒散至遂予宴于作賢樓適天開日明中山天馬
浮蕩几席間酒行淺深隨量雅歌投壺而眾皆盡醉

南雄府志下卷之十八藝文上

五

十

獨予不飲酒興似酣至晚院中諸生拱揖而前侯謂
予曰院名大中先生為諸生一繹其義可乎予應曰
唯中豈易言哉予不敢知亦不敢言雖然予知射之
為道乎人之行譬則射也中譬則的也射之能中其
生之心乎其生之手乎以后羿之手假拙射之心其
不能中決矣傳曰惟精惟一其習中于內之的乎無
的于中而茫然以行吾知不過焉則不及焉安能謂
之中耶侯笑曰小有過不及則不得謂之中然則無
過不及則其為中也不亦大哉予應曰唯唯侯名璞
字伯溫別號中山道人文章學行海內重之其叔是
院設施布置亦可見經濟之大畧云

奎星閣記

貴溪江侯伯溫守南雄思以文翁之化化成其郡首

建郡庠移邑庠相縫黻堂廟既極切雲敞燦必得一
高閣殿後方能標全郡之秀以壯二庠之觀舍以得
巨木為艱郡之耆民忽因別駕黃公恭告曰滇江之
濱相傳有鐵力巨木歲久蟄于客土成化初採補太
平橋梁射地啟裁竟無所得侯曰宜其不出也凡物
之非常者俱若蘊靈焉以悒懔之資為踐履之具可
乎茲得托身文廟之後出其時也既得其一相繼而
得者十餘株閣因以成高五丈有奇濶稱之經始于
戊戌春三月落成以秋八月高曰奎星莫興文故也
按奎二十八宿之一為天武庫一名天冢王兵明則
天下清平至宋五星聚奎識者以為周程張朱之道
德啟蘇曾王之文章於是乎兆遂以之職文而與璧
竝事矣侯名閻之意殆欲郡賢之生上應列宿于宋
南雄府志下卷之十八藝文上

五

有光者乎他日降婁之次有光曄然斯為有人副閻
之名